

ادبیات عمومی و سیاسی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۴ ربیع‌الآخر ۱۳۳۵ جمعه ایرتسی ۴ شباط ۱۳۳۲ نومرو ۱۶

فاتح عصرنده اندرون هایون تشکیلاتی

جنتمکان فاتح سلطان محمد خان حضرتلری قسطنطنیه فتح جلیلی موفقیتنی استحصال ایتدکدن بر مدت صکره ، ذات شاهانه‌لرینه و پادشاهان عظام حضراتنه مقر سلطنت اولق اوزره آیاصوفیه ایله سرای برونی آره‌سنده قره جهتی عظیم سور ایله احاطه ایدیلرک وجوده کتوریلان بی نظیر ساحه دلکشاده انشا ایتدیردکلری یکی سرائیک برقمسی ، حریم سلطنت یعنی موقع تعظیم و حرمت اولدینی ایچون اندرون — حرم نام محترمی ایله یاد اولنمشدر .

اندرونه مدخل ، سرای ملوکانه‌ک، باب هایون و باب‌السلام و باب‌السعاده ناملریله یاد ایدیلان سلطنت قاپولرینک اوچنجیسی بولنان باب‌السعاده‌در . بو قاپو داخلنده پادشاهلر حضراتنک آراملرینه مخصوص عالی قصرلر ، اندرونلیرک اسکانه مخصوص معتنا دائره‌لر ، کتبخانه‌لر ، جامع‌شریفلر ، تعلیمخانه‌لر ، مشقخانه‌لر انشا ایدلنمشدر .

اندرون خدمات عاصمه‌سنده بولنانلرک رکن اولی و آمری سرای داخل و خارجنده خدمت کورن سرای خلقنکده مرجعی اولان باب‌السعاده اغاسی « قاپو اغاسی » ایدی . قاپو آغالی وظائف مهمه و معتناسنه سلطنت نکهبانلغی‌ده داخل اولدیغندن آغا ، سفرده و حضرده و جامع شریفه عزیمت و عودتده معیت شاهانه‌دن دور اولز ، یالکز صیدوشکار و تفریح زمانلرنده حفظ وصیانت وظیفه‌سیله مکلف اولق اوزره سرایده قالدور ایدی . اندرونده بردائره‌ده اقامت ایتک امتیازی قاپو اغالرینه منحصر ایدی .

اندرون ارکانی قاپو اغاسنک امرلرینی مطاوعت کامله ایله تلقی ایدرک اجرا ایتسی قانون ایجابی ایدی .

بیوک اوطه‌یه منسوب اندرونلیردن اناختاره ، پشکیره و شربته متعلق و بوکا مماثل خدماتی ایفا ایتک اوزره معیتنده درت ایچ اغاسی استخدام ایدر ایدی .

بو حق استخدام ، وظائفی آتیده کوستریله‌جک دیگر اوچ سرای ارکانه‌ده بخش اولنمش ایدی ؛ خزینه‌دار باشی خزینه قغوشندن ، کیلارجی باشی کیلاردن ، سرای اغاسی بیوک اوطه‌لیلر قغوشندن خدمتکار آلور ایدی .

استجواب ایله انتخاب ایچون خیری بر کون تعیین ایدر و او کونك عرفه کیجه سنده ، صباحه قدر کوزلرینی هوایه دیکوب ییلدیزلرک آراسنده «اشارات سماویه» آرایارق ذهندن ناهزدلرک اسملرینی تکرارلادقدن صوکره هانکیلرینک مناسب اولدیغنی صورارمش . ایرتمی کون [شان دومارس] اجتماعنه ریاستله موافق اولانلری صایار اولمایانلری ذکر ایتمیش .. منتخبلرک بونلردن باشقالرینی انتخابه صلاحیتلری یوقدی . روما حقوق عمومیه سنک بو اصولی ، صوک جمهوریت عصرلرینه قدر دوام ایتمیشدر . راسپوتین ده روس رجالنک انتخابنده عینی قاعده یی تطبیق ایدیوردی .

چار کبی ، اسپارطه قراللری ده منجملرک اسیری ایدی : علامت جویه نك، آبله کونشک ضیاسنی تفسیر ایده بیلنلر اونلره و دولایسیله مملکتلرینه حاکم دیلر . روما قرالنک جلوسی کونی، کوزلری باغلی بر فالجی بر آلتی حکمدارک باشنه قویارق و اوته کنده کی دکنکله ده هواده اشارتلر چیزه رک جوابی بکلردی . بر قوشک اوچاسندن ، بر شمشکک چاقاسندن معنار استخراج ایله قرالک خیری اولوب اولمادیغنی سویلر و بو صورته ده هم تاجی ، هم تاجدار کیفنه اسیر ایدردی . بو غیر مسئول آدملر ، روسیه نك کیزی چاری راسپوتین کبی ، ملتک مقدراتنه پرده آلتدن وهر زمان حاکم دیلر .

اسماعیل مامی

ملی تیقظ و اعتبار ملی بانقه سی

مملکت مزده بیوک برانتباه و تیقظک ، - دها ایلری کیده لم - برره نه سانسک شاعدی اولیورز . ملت ، اوزرندن اجانبک بارمداخله سنی ، قیود حجرو عجزینی آتیور . ترکلر آکلیورلرکه هیچ برملت تشکیلاتی ، قوتلی اقتصادیاته مستند اولدجه پایدار اوله ماز . آنک ایچون مقدرات مالیه سنی بالذات کندی اداره ایتک ایستیان ملت ، هر صورته رشد اقتصادیسنی اثبات ایده جک مؤسسائی وجوده کتیریور . بتون بتون بر ترک مؤسسه مالیه سی اولان [اعتبار ملی بانقه سی] حصه سنداتنک بالخاصه کوچک سرمایه و تصرف اصحابی طرفندن عادتاً حرز جان ایدیلر درجه ده اشترا ایدلسی ، فکر تصرفک استخلاص مادی مقاصدینک هر طبقه یه یایلدیغنی بلیغ بر صورته اثبات ایدر . بانقه ، حقیقه - ملی - اولدی . بو مؤسسه نك صاحبی کیمدر ؟ دیه سوریله جق اولورسه ، درحال ، بتون ملتدر ! جوابی ویریله بیلر . یکی بانقه اقتصادیات عمومیه مرکز عادتاقلی اوله جقدر . هر درلو تشبثات مالیه ، تجاریه ، زراعیه و صناعیه منر بو بانقه دن اکتساب حیات ایده جکلردر . طوغریسی ، بانقه اسپاننک انتشارنده کوستردیکی موفقیتدن طولانی بتون ملت شایسته تبریکدر .

در دست تشکل اولان بانقه مرکز ملته نه کبی فوائد تأمین ایده جکی حقنده محترم قارئلره عرض معلومات ایتک مجموعه ایچون بر وظیفه در . بونی ، حقیقه ایفا ایده جکز . لکن هنوز تأسس معاملاتی ختام بولیان بوبانقه حقنده شمذیلک سویلیه جک بر سوزمنر واردر ؛ اوده ، بوبانقه ، هیچ بروقت ، تاریخ عثمانیده ، ملتیزک علامتی کوستره مدیکی بر حرکت وطنپرورانه یه سبب اوله سیدر . پسیقولوژی نقطه نظرندن بو کیفیت ده ، شایان قید و ضبطدر .

بانقه یه ، همان هرکون ، یتیم سکان بیک لیرالقی حصه سندی اشتراسی طلبی کلیور . بوکیدیشه ، شباطک اورتله رینه قدر ، بتون سرمایه ، یعنی دوت ملیون عثمانلی لیراسی کاملاً قید ونصفی تأدیه ایدیش اوله جقدر . آندن صکره اشتراک معامله سی ایچون کیشه لر قاپانه جغندن قارئلرک برآز استعجال کوسترمه لرینی توصیه ورجا ایدرز .

رُوت صیب الد



برهفته لق تاریخ حرب



[۲۶ کانون ثانی — ۱ شباط ۱۳۳۲]

عموم حرب جبهه لرینک منظره سی وشکل امتدادی بو هفته ده هیچ ده کیشمه دی . همان بوتون آوروپا جبهه لرنده ، اوافق تفک تعرضلر ومصادمه لر استشنا ایدیلیرسه ، یکی برشی یوق . قیش هر طرفده شدتله حکمفرما . سپر محارباتنک شدتی یوق . یالکز ایکی طرف مساعد فرصت لر بولدجه ظوب ، طورپیل ، بومبا محارباتی اجرا ایدیورلر .

بو هفته غرب جبهه سنده انکلیزلرک آرمانیتهر ، لایسه قانالی ، آنقر طرفلرنده شدتلی طوپچی استحضاراتدن صوکره یاپدقلری اهمیتلیجه تعرضلر عقیم قالدی . بوجبه نك دکزدن (ووژ) لره قدر امتداد ایدن سپرلرنده بلا استشنا برمتقابل فعالیت واز .

ایتالیان صحنه سنده ده ، غرب جبهه سی کبی اوافق تفک محاربات بردوام . یالکز بو هفته آوستریالیلر غوریچ طاغلرنده متعدد ایتالیان سپرلرینی ضبط ایله بیکه قریب اسیر آلدیلر .

ماکدونیا صحنه سنده ده سکون مطلق یوق . طرفین اوافق تفک تشبثات حربیه ده بولونیورلر . شرق صحنه حربنده ده یکی برشی یوق . قار فیرتینالری مساعده ایتدجه طوپچی فعالیتلری وکشف تعرضلری وار . یالکز رومن جبهه سنده (واله پوتنا) یولنک جنوبنده متفقلریمز روسلرک قوتلی براستناد نقطه سنی بالهجوم ضبط ایتدیلر و بیک کسور اسیر آلدیلر . رومن جبهه سنک سکونی ایچنده بو برحادثه در . فقط ظنمزجه منفرد وما بعدسز برحادثه در .

بو هفته ینه اک زیاده فعالیت حربیه عثمانلی جبهه لرنده کورلدی . موسمک حرکاته مساعد اولماسندن بالاستفاده انکلیزلر عراق جبهه سنده ، یاز موسمنده حاضرلادقلری بوتون قوتلریله هجوم ایدیورلر . کانون اول بدایتندن بری امتداد ایتدیکی حرب مطبوعات قرارگاهندن اولکی کون غزته لره ویریلن برخلاصه ده بیله یریلن عراق محارباتی عسکرلرمنک قدرت تدافیه سی قارشیسنده دشمن ایچون برنمره ویرمه مکده در . انکلیزلر کوة الاماره نك شرقنده امام شمد منطقه سنده ودجله نهرینک صول ساحلنده وفلاحیه ده بعض برلرده ضایعات عظیمه ایلریله مکه موفق اولمشه ده اسراف ایتدیکی انسانه ومهماته رغماً بو حقیر نتیجه هیچ برشی دیمک دکدر قیمت سوق الجیشیه دن عاریدره .